

榆次縣志卷四

交通考

榆次向時以什貼王胡永康三鎮爲由北京達川陝雲貴通衢鳴謙鎮爲京省官員往來孔道清乾隆間設公和局以將其事鐵路通後差務益繁中華民國三年乃改設差徭局專理其事而向時驛站馬匹等制均廢十四年後遼和寇警雁北戰事相繼發生兵站均設榆次南北大軍往來徵調糧秣之供幾無虛日於是徭役科派愈不勝其煩矣茲綜述路政橋梁沿革於前而以郵電差徭諸事附後云

道路

榆次縣志

卷四

交通攷道路

一

正太鐵路 於前光緒三十三年完成由縣東北入境經東趙東郭李塢尚村北合流源渦北關窰上安甯使趙龍田侯方使張鳴李秋村入太原縣境計長五十二里東趙北合流北關鳴李皆有站

同蒲鐵路 民國二十二年開工修築自縣西北入境經秋村鳴李使張侯方使趙安甯窰上西關近城王村張超楊村張慶永康郝村入徐溝縣境計長五十七里二十三年七月一日通車鳴李西關永康皆有站

大潼鐵路 初名同蒲鐵路由本省自辦於清宣統二年開工修築三年革命事起工停民國建元收歸國有改名同成鐵路二

十二年政府撥正太路餘款復行開工又改稱大潼鐵路至二十四年一月完成榆次至太谷一段暫行通車名正太支路由縣城北關正太車站起經郭村南要北要修文東白楊安聖許東陽彭村入太谷縣境計長四十里北關修文東陽皆有站  
晉南汽車路 民國九年開工修築十年完成自縣西北入境經秋村鳴李使張侯方使趙窰上西關近城郭村北要南要東長壽東白楊安聖許東陽彭村入太谷縣境計長六十里鳴李東陽及西關均設分站

榆石公路 為由榆次達河北石家莊者民國二十五年開工修築由縣城北關起經南溝王胡圪針溝峪頭東莊龍白要店什

榆次縣志

卷四

交通攷道路

二

貼入壽陽縣境計長五十里

京陝官道 自縣東北入境經什貼北要店龍白西付郝家溝王胡而至縣城再由縣城經郭家堡榮村張超楊村張慶永康郝村入徐溝縣界計長八十五里

什貼鎮東五里與壽陽分界處及郝村西南與徐溝接壤處各有分界牌坊一座郝村牌坊為乾隆己卯年知縣秦雄襄所建腹背二區曰東拱宸垣曰西望華岳字體雄健過者咸景仰焉前清未造漸就傾圮邑人常立屏倡議修葺未果而卒中華民國二年涂水溢出滄沒殆盡僅餘牌坊之踪跡而已

京省官道 自縣東北入境經什貼北要店龍白峪頭流村鳴謙磚井等村入太原縣界計長五十里

榆省官道 自縣城起經安寧龍田使張鳴李秋村入太原縣界計長二十二里

榆谷縣道 自縣城起經王村修文東長壽內白東陽彭村入太谷縣境計長四十里夏時雨澇則車馬多由縣城經郭村北要南要王香楊安聖許至東陽路程亦略相等

長儀路 縣東南長甯鎮至儀城關有故道僅通馱騾爲本邑至

榆社和順行旅貨運所必經清乾隆十八年錢知縣之青一度

重修後年久失修行旅苦之中華民國十一年長甯鎮紳李光

鴻等倡儀改修車路以十二年春興工凡四閱月而工竣勒石

以紀其事

中華民國十一年歲在壬戌李君光鴻光暹與趙君鶴年郝君吟倡議重開由長甯至儀城關故道益拓其途其地近接遼縣和順遠通直隸邢臺綜厥都較共七

十里清乾隆十八年榆次縣令錢公之青飭民間築僅利人馬之行耳當夫暑雨連綿寒冰凜冽山水暴漲崖谷危峒行旅戒心於斯大劇李君等謀以因昔之功擴今之度人馬既便車載尤宜於是有李君葆桂慨助以資李君蔭桂尤資錢力爰合范君丕助招集士商計數工費虞有不足加以募資當即呈請縣長博山張公敬顯明年癸亥春月興工載啓載平工用日懋經始於春需

榆次縣志

卷四

交通攷道路

三

橋梁

四閱月其成有傲連駕方軌廓而有容峻坂穹崖坦然可陟熙來攘往聿增於前越明年甲子成君德基郝君吟又議新開各通車路由見子村至東田村由壁達至東田村共二十二里由長甯至上下黃彩界共十一里而由白石自白坡頭接以和順關郊鎮之故路共四十里益為重修於是磊何夷藁蕞盡伐因民所利易事通功粟布互輸資財交挹厚生利用終然允臧窮變通久斯契易道昔褒斜既拓銘刻崇巖棧閣肇平歌興廣漢李君等深以集事維艱示後母教非鐫貞石曷永其傳因以仲夏屬常贊春製文書字樹之康衢式揚休麗而需錢若干需工若干則碑陰具詳並告來者焉經理趙鶴年郝吟李光鴻成德基李光暹范丕助楊濬李蔭桂監工長甯鎮商會暨張顯爵李希桂張鳴禮范汝信范英侃中華民國十四年歲在乙丑仲秋之月穀旦

永康弓村古道 在太原縣辛村郃村兩渠之間清光緒中葉涂

河漲發二渠土堰被水冲決淤沒古道殆盡土人以道關兩村

交通建議修復

橋梁

源渦橋 一名永濟橋甃石爲之始建年月無考明正德萬曆及

清順治初屢經修葺中華民國四年被水冲決遂大圯里人原

鹿岑等籌款重修橋基較前稍南下用柳板大石灌以洋灰壓塞渦泉以弭後患橋基始臻穩固云

天一渠雙橋 在北門外聖母廟前一左一右如落虹然中華民國七年天一渠工程司建旋由天一渠管理局接收

汽車橋 在縣南五里郭村爲省南北交通樞紐橋純以木製長百十餘丈工程頗鉅夏季涂水暴發輒被冲毀雖屢年修理迄未能永杜後患云

官甲萬春渠橋及沿河各渠橋 官甲萬春渠橋均在小西關之南再南則王村楊村張慶永康演武各渠俱築石橋爲榆次太谷徐溝往來之通衢焉

榆次縣志

卷四

交通攷橋梁

四

金水橋 在什貼鎮南爲北達京畿南通川陝之孔道土人俗稱南橋卽舊志所謂什貼土橋也橋始建該村三義廟南明萬曆間知縣王應楫改建廟北清康熙嘉慶道光間迭經修葺均有碑記嗣以溝水漲發屢築屢圯光緒四年洞口石坡全行坍塌陷爲深溝舉人杜道周等募資重修增築石坡二十餘丈橋始完固

神龍橋 在什貼鎮北與金水橋對峙亦爲京陝往來孔道始建年月無考清咸豐同治間屢加修築光緒三年歲大侵轉運賑糧輪踈晝夜不絕加以積潦冲刷橋脊土僅餘三五尺勢甚危險本鎮舉人杜道周等募資重修傍舊址築新橋一座高十丈

長如之旁開水洞四十餘丈上築圍牆五十餘堵屹然聳峙行者稱便

什貼地當孔道四面環以深溝東西南北各建土橋一座除金水神龍二橋外東有卧龍橋為運糧要道西有鳳鳴橋為運煤通衢民國十六年鎮人以卧龍橋漸就傾圮募資修築始臻完好

流村石橋 在縣北二十里主事張國儒記云地屬往來通衢歲當夏秋淫雨洪濤衝破毀齧深窪濘險人不可行壽官王經學乃建石橋知縣張鶴騰以俸金助工始於明萬歷二十七年八月成於明年三月上下悉砌石闊一丈七尺長二丈六尺高與闊等後霖潦傾圮清雍正二年邑令張孫鏞重建乾隆三年及道光十四年復修

聶村石橋 在妙智寺前建自明代年月無考清康熙五十一年

榆次縣志

卷四

交通攷橋梁

五

水決橋毀鄉人捐資募工取村南廢橋遺石修補完固車徒稱便

龍白村石橋 在村東明萬歷十一年建清道光十五年重修

青龍橋 在西付村土橋也初名灞陵清康熙年知縣劉星重修更名青龍以為邑中科第風水之利而行者亦便邑諸生張際昌勒碑橋左嘉慶五年復修貢生張琴作記道光八年村人以橋旁洩水渠淺狹易壞擴之俾水盡入渠復高其橋脊以期永固

下黃彩橋 邑人孫璵記云村西有澗深百尺舊架木為橋以通行者然山水時發木漂而人多傷於是里人趙恭修之架大木

寶堅土明正德五年橋成勢甚完固萬歷中重修知縣徐守謙刻石紀事清咸豐十一年里人王象輅等復修

紫坑溝橋 在村東五里劉志謂天然石洞便民往來清康熙四  
年里人趙光俊等修今圯

雙村石橋 在縣南十八里牛耕水漲不便往來清乾隆九年里  
人募衆爲梁遂無病涉之患

信修橋 在雙村北一里跨牛坑水斲石爲之清雍正四年里人  
公建

千佛寺橋 在孤神頭西十里千佛寺前小涂水經其下明正德  
七年里人劉碧等建

榆次縣志

卷四

交通攷橋梁

六

坑東土橋 在縣東南五十里坑東村清雍正五年築

許曲土橋 在縣東南三十五里許曲村清乾隆七年築

木瓜橋 亦土橋也在白田村西北三里許溝中產木瓜樹故名

清康熙二十四年村人劉化龍等築

施家橋 在縣東南五十里時家莊之西里許亦土橋也建築年  
月無考

雙龍橋 在杜堡大伽南之間二村隔一深溝往來未便清咸豐  
二年各輸資財中建一橋顏曰雙龍

長甯橋 在源渦東二里許爲遼和通衢清順治七年知縣楊三  
知督任達等重修生員劉學益記雍正十年李通等重修

東郝橋 在縣東南五里東郝村清乾隆十三年重修里人刻石  
記其事

中郝橋 在縣東南五里中郝村清雍正九年郝佩等重修

西郝橋 在縣東南五里西郝村

郭村橋 在縣南五里明嘉靖二年村人郭思州等建清雍正元  
年重修道光年復修

修文里橋 在縣南十五里明嘉靖四年諸生張哲記云昔有司於  
農隙之候督民夫架橋以備往來然率皆逋慢故蹤跡徒存病  
涉猶是有田氏者集鄉衆建設板橋材質堅樸輪蹠雜沓坦然  
由之

榆次縣志

卷四

交通攷橋梁

七

郵電

以上六橋俱為病涉洞渦而設用土木浮架至冬而建春融而撤先王除道成梁之政猶可想見云

郵電

郵政 清光緒末年在縣城內北門街設二等分局東陽鎮設三  
等分局每日送信一次北田什貼長甯永康六堡要村使趙等  
鎮均設郵寄代辦所或間日一送或三日一送餘村亦有設郵  
政信櫃者惟收遞較代辦所為遲緩耳

電政 中華民國九年於縣城北關設軍用電話局十六年於城  
內北門街設電報局二十三年更於電報局內附設電話局城  
關商號及各機關裝設話匣者達二十餘家並可與省垣太谷  
等處直接通話

驛站差徭

王胡驛鳴謙驛 榆次舊有王胡鳴謙兩驛為支應差務之所自  
正太路通兩驛均行裁撤房屋地基於變賣官產案內定價出  
售其得值提解省垣

榆次差徭向由公和局紳辦理積久弊滋於是迭經釐定辦法勒  
石城隍廟永為定式清咸豐八年陳知縣曜圖同治七年吳知縣  
師祁光緒二十二年定知縣榮先後釐定章程刊石三十四年李  
知縣兆慶於更定新章外並公舉稽察局紳城關一人四鄉四人  
按四季仲月稽查毋得滋弊迨民國三年改設差徭局乃另定新  
章暨支應兵流差諸規則十九年三月又重經修正由縣政府立

榆次縣志

卷四 交通攷驛站差徭 八

案公布焉

榆次縣差徭局簡章

民國十九年三月修正

- 一、本局辦理本縣應支差徭定名曰榆次縣差徭局
- 二、本局專辦差徭事務以代表人民協助縣政府為宗旨
- 三、本局以局員五人監察員十人組織之其產生法如左  
(甲)、局員產生法 每區由區長召集各街村長開會投票選舉三人呈由縣政府召集地方機關酌定一人為局員餘為候補局員  
(乙)、監察員產生法 每區由區長召集各街村長開會投票選舉二人為監察員  
(丙) 上列甲乙兩項被選人資格擇廉明公正者選任之不限於街村長副
- 四、本局局員監察員任期均以一年為限得連舉連任但每屆改選時須留上屆局員二人以抽籤法定之其未抽中之各區均改選之
- 五、局員五人中互推一人為主任對外負責
- 六、局員分任事務由局員商定之
- 七、本局設書記二人局役四人均受局員之指揮承辦一切事務
- 八、如差務繁多本局人員不敷分布時得臨時聘請或僱用之
- 九、主任每月薪水大洋三十元局員每月大洋二十四元書記差役臨時酌定
- 十、監察員職權如左  
(甲) 稽核本局財政之收支



(乙) 審查局員之勤惰  
(丙) 稽核各街村支差車騾工數目是否公允

十一、監察員每月須開會一次由差徭局召集每區至少須到一人到會者酌給車馬膳費每人每次三元其辦法細則另定之

十二、本簡章由縣政府立案後施行

### 榆次縣差徭局支應兵流差規則 民國十九年三月修正

一、支應兵差為差徭局員之專責如遇大兵過境差徭局人員不敷分布時縣政府派人照料一切不支薪水飲食由局支備

一、支差需用車騾凡車在十輛以下騾在五頭以下均由差徭局僱備緊急時縣政府派差拉車應支以免誤公聽差一日每騾一頭發價至多三角走差一日每騾一頭發價至多八角車騾夫在

內

一、如用車騾較多時得向各街村輪派車騾支應車價由各街村自行發給差徭局不再發價此次

辦法從十九年三月一日實行

一、差務緊急不能依次輪流車騾事後又未能調劑平允差徭局須於每半年六月底及十二月底召集各區監察委員開審查會就使將長出騾工及少出騾工之各街村確實核算交縣府飭令少出騾工之各街村按議定之價騾一頭大洋一元三角驢一頭大洋七角牛一頭大洋一元一角

每頭均以日計津貼多出騾工之街村以彰公道並限半月內向差徭局分別支領

一、各街村發給車騾價洋標準騾工每頭每日至多不得超過一元一角至少不得減至九角以下

## 榆次縣志 卷四 交通攷驛站差徭 九

一、騾工至多不得超過七角至少不得減至五角以下以上車騾脚夫均在內

一、凡拉僱及輪派之車騾由差徭局製記三聯收證一交車夫一送監委會一存差徭局以便對照

一、輪派各街村車騾均按糧石規定每糧一百石例派四套大車一輛其糧不足百石或在百石以上者照比例增減計算以騾支差每四頭抵車一輛以昭公允車騾不敷需用時得酌派牛驢補助之

一、派定各街村車騾數目由差徭局造冊呈送縣政府一份差徭局留存一份並分送各區公所一份以為輪流車騾根據

一、各街村車騾支應兵差須按派定數目輪流輪完一次再輪一次如遇差務緊急不能依次輪流時事復仍須截長補短以劑其平

一、兵差過境需用車騾縣政府於奉到文電後立即函知差徭局將出車村莊開單呈送由縣政府將要車村名車數指明電委各區公所飭警向各街村公社依次傳喚務令隨傳隨到如有違延由縣政府懲罰究辦並須令補出車騾所有罰款由差徭局另款存儲

一、各街村支差車騾務須挑選精壯不得以疲羸搪塞並須車帶大柵騾帶鞍架違者懲罰究辦罰款存儲與前條同

一、差徭局得暫租一二寬大廠院作差車候差之所

一、差徭局委員每屆年終將收支各款宣布各區公所所在地至拉僱車騾發給脚價務須主張公道如辦差人員有違犯定章舞弊情事一經發覺由監察員呈報縣政府分別懲辦

一、大差過境多數車騾送往鄰縣時縣政府須派員警隨同照料將支差車騾經管帶回以免鄰縣打過下站

一、本規則由縣政府立案公布後實行如有未盡事宜得隨時呈請修正